

Mbanjloxxgai Lozyez Yen:

Aenmbanj Caemdingh Gyaeundei Gwn Byasang

高山上的静谧村寨——乐业县火卖村

□ Cinz Yungz ingj

Ranzbenj daeb ndaw bya, yawj haeuf da baenz gingj.

Lozyez Yen Dungzloz Cin Yanghlinz Cunh Mbanjloxxgai doenghbi neix daeuj ndaetndi gaemdawz aen seizndei Gumzlaeg Dasizveiz doiq baihrog hailangh neix, youq gungcanjdangyenz Couh Yingcwz beixnuengx daiq-daeuz lajde, laeb hwnj “dangj ginz baenzfouq lenzhodzij”, fatdoengh gyoengq dangyenz, ginzcong ndaw mbanj nem gij mbanj henzgyawj gungh 300 lai vunz miz di ngaenz, haengj okrenz haenx aeu cungj hingz sik gapguj roengzngaenz de doengzcaez guh “nungzgyahloz” lijyouz ginghci, byaij diuzroenz doengzcaez baenzfouq. Seizneix, Mbanjloxxgai moix bi ciepdaih gij hekyouz daj ndaw gih raeuz caeuq gij swngjih henzgyawj, Gangj, Au, Daiz doengh dieg neix nem Ouh Meij, Dunghnanzya guekgya haenx mauhgvaq 10 fanh vunzbaez.

Mbanjloxxgai dwg aen mbanj-bya iq doekgungx ndeu, daengx mbanj miz 50 lai ranz gungh 290 lai vunz, dieg youq baihsae Dungzloz Cin, liz yienhsingz 8 goengleix gyae, daengz seizneix lij lwloz miz gij swyenz swnghdai caeuq fungheiq ndawbiengz fung-sug beksingq gaeuqgeq simsoh lauxsaed de, dwg gij gingjdenj Gumzlaeg Dasizveiz swnghdai lijyouz haifat ndawde naed cawbauj saekloeg ndeu. Ndaw

mbanj de miz gij fungsug beksingq nyumx baengz, guh yieng, guh ceij daengj, yiengh ranzbenjfaex gag miz daegsaek. Ndaw Gamjuk-bongh, Gamjuk, Gamjmaezhoenz daengj conghgamj henz mbanj miz gij rangzrin, donghrin, “mauh” rin, baizdangrin, batva’mbu daengj gingj ndei conghgamj, Byagunyaem humxumj aenmbanj, gwnz dingbya lij ndaej yawj daenggoenz ok dem. Mbanj neix bi 2001 gaxgonq mbouj doeng goengloh, haeuf bya ok bya cungj dwg byaij roen, doxgaiq ngoenz-yungh baengh laeng aemq mbaq rap, swnghhoz diuzgen gig yaez. 2003 nienz, Couh Yingcwz comz vunz lai doxyaeng comz ngaenz guh lijyouz, song beixnuengx de lij daiqdaez ok ngaenz 6 fanh maenz fatdoengh vunzmbanj okrenz guh buenq bi vatbu le diuz goengloh iq bu rinreq ndeu, hawj hekyouz ndaej hai ci haeuf mbanj. Youq Couh Yingcwz song beixnuengx daiqdoengh lajde, gij ranz ndaw mbanj sien guh “nungzgyahloz” ndaej fouq hwnjdaej haenx ranz bang ranz dwk caez bae bangcoengh gij ranz wnq guh “nungzgyahloz” hwnjdaej, doek-laeng ndaw mbanj youh saedhengz caemhcaez guenleix “nungzgyahloz”, hawj de hwnghat ndaej engq vaiq, seizneix daengx mbanj gaengq miz 16 ranz 9 aen

diemj “nungzgyahloz”, ngoenz-naengz nyaengqny’nyi dwk ciepdaih gyoengq hekyouz daj seiq fueng bet baih daeuj cetyouz haenx.

Mbanjloxxgai cawz guh “nungzgyahloz” le, lij comz ngaenz guh gij lijyouz gingjdenj sezsih miz daegsaek haenx, baugvat congh gamj ndeu sam gumzlaeg gingjdenj ngonzyawj, giz bindat, Gamj-gunyaem, Byagunyaem daengj 4 diuz roenbyaij caeuq 2 aen diengzyawjgingj, 3 giz diegbingz ingjsiengq gwnz dingbya daengj. Doengzseiz, ndaw mbanj lij ceng aeu ndaej swcigih singz-mbanj yienghsienq gaijguh gensez hanghmoeg, daengx mbanj 40 lai ranz rogciengz ndaej dajbae moqsak, gaij guh le diuzroen daj Luzlubingz daengz Mbanjloxxgai, douhung aenmbanj, ciengzdingzci, daengroen, hekyouz fuzvu cung-sim, suenvalanz, gaiqbaiz gingjih daengj, fuengbienh hekyouz, demlai souhaeuf.

Ginggvaq roengzrengz guh geij bi, Mbanjloxxgai daj aen mbanjbya gungzndoq ndeu bienq-baenz aen mbanj fouqmiz okmingz ndeu, baenz Lozyez Yen yiengh ndei lajmbanj moq seveicuyi, aenmbanj doxhuz ndeu. 2012 nienz, Mbanjloxxgai ndaej bingzguh Guengjsae 4 singgaep lajmbanj lijyouz gih.



▲ Haeuf douhung aenmbanj, lumj daengz ranz bonifaenh.



▲ Nohlab saejlab venj dwk rim, hekyouz cimz gwn haenh naeuz feih.



▲ Hekyouz haeuf mbanj bae, cimz byaekfeih goj angq.



▲ Ciengq go caiq eu fwen, anfacoux beixnuengx daewi.

◀ Laeuzbanhgoeng ndaw Mbanj-loxxgai, yaenglwnh daihsaeh haeuf siuj-gangh.



▲ Ndaw mbanj seuqcingh lai, bae byaij simsoeng raeuh.